

կեցող մի միակ զանգակն⁷⁰, որ Ս. Սիմէոն եկեղեցւոյն գերեզմանատան մէջ գերեզման մը փորելու ժամանակ գտնուեցաւ, աւանդութեան համեմատ՝ ԺԳ դարուն Հայաստանէն հոս բերուած է: Այս զանգակին արձանագրութիւնն է. «Յիշատակ է Ղևտրացի Առաքելի ի վանաց սրբոյն Տաթեւու, Թ. Հ. ՌՂԳ. (1244) գրեցաւ յաւուր հինգշաբաթի:» *

Եկեղեցւոյ դրան արձանագրութեան եւ տեղաբնակ Հայոց աւանդութեան համեմատ՝ Չիրսդէ Հանգո (Խաչիկ Հանգոյեան) անուն հայն 1521ին⁷¹, Սղեֆանիցա (Ստեփան Ե) Մանկան ժամանակ (1517—1527) Սուչավայի մէջտեղն գտնուող Ս. Խաչ եկեղեցին շինած է, ուր յառաջագոյն փայտակերտ հայ եկեղեցի մը կար, եւ ինքն ալ նոյն եկեղեցւոյն մէջ թաղուած պիտի ըլլայ: Նոյն շինողին շիրիմն այժմ չի տեսնուիր եկեղեցւոյն մէջ, վասն զի եկեղեցւոյն յատակը բոլորովին տախտակամած է այժմ:

Եկեղեցւոյ գաւթին մէջ կան քանի մը գերեզմաններ, հետեւեալ արձանագրութեամբք.

1. Սարկաւագ Ասվատուրին Ռէրդիքա իւր Գիա (?) հանգեաւ Թ. Հ. ԶՂԷ (= 1528)

2. Գրիգորի երիցու, հանգեաւ Թ. Հ. ՌԻԶ (= 1577)

* Այս եւ յաջորդ տապանաքարերու արձանագրութիւններն ստիպուած ենք թարգմանել զերմաներէնէ. վասն զի թէեւ դիմեցինք Սուչավա ուր հարկն էր, սակայն պատասխան չընդունեցանք: Թ. Թ.